

Jong San Nicolas a cumpli 30 aña awe

ORANJESTAD (AAN)- Awe ta exactamente 30 aña pasa cu den un reunion general di miembro a ser funda Jong San Nicolas y 5 siman despues A.V.B. a reconoce e organizacion di futbol aki, y den apenas 2 aña di existencia cu e organizacion haya su statuut.

Awe mester menciona cu Jong San Nicolas ta un di e equiponan di futbol cu e ultimo tres aña a haci un furor den futbol local, nan tabata e revolucion di futbol Arubano y por poco nan a promove pa division Honor. Despues du Jong San Nicolas a titula campeon division Dos y promove pa division Prome, e team aki a haci un cos den futbol Pre-campeonato den e teamnan grandi di Aruba y a bay te final pa titula Sub Campeon.

Den e ultimo campeonato division Prome nan a duna bon bataya contra equiponan di experiencia, y a logra yega te den play off final unda nan a titula sub campeon.

Sin duda un bon equipo, un bon organizacion cu personanan trahador den directiva a lucha cu e team aki den temponan dificil, pero awe cu nan celebracion por mira e fruta di e bon trabao cu un equipo respeta den division Prome.

Fuera di division Honor, J.S.N. Charlie's Bar Boozers tin equipo division Dos, equipo di domino, Softball, futbol comercial, futbol damas. Ariba tereno cultural nan ta celebra fiesta cu nos propio musica y tambe celebracion tradicional San Juan.

Jong San Nicolas su tereno y club ta situa na Weg Fontein. Prome cu futbol e lugar aki tabata unda e mucha nan di e bario tabata hunga golf, hunto cu e mucha nan Sr. Jose Dirksz tabata tabata tuma parti den e wega aki. Despues Jose Dirksz a busca un catapiler pa kita mondi cu tabata stroba e hungadornan cu nan wega di golf.

Idea a drenta cabez di Jose pa forma un team di futbol. Dia 16 di Juni 1958 a cuminsa traha y haci e tereno limpi pa e bira un veld di futbol, cu awe ta Jong San Nicolas.

Na aña 1958, awe Sr. Jose Dirksz ta sinti su mes satisfecho pa su bon trabao. Aki ta trata di A.S.V. Jong San Nicolas". Sr. Dirksz na aña 1958 a haci contacto cu 10 persona interesa pa forma un team di futbol. Despues di varios discusion y reunion, e club a bira na 16 persona, a forma ariba 28 di Augustus 1958. E tempo ey directiva tabata consisti di hun-



Hungadornan di antaño di J.S.N.; Pilar (Chas) Maduro, Buchi Itrausquin, Juan Ras, Roman Ras, Enrique Boekhoudt, Chico Tobel, Sonny Briesen, Placido Vrolijk, Juan Geerman, Ceryl Kock, Toribio Maduro y Shaky Wever.

gador nan mes y tabata carga nomber di " Amistad Sport Club ". Durante e dos lunanan cu a sigui a obtene mas miembro y na acuerdo cu tur den un reunion ariba 28 di October 1958, nomber a worde cambia pa "Jong San Nicolas". A.V.B. a reconoce e team aki dia 3 di December 1958. Cu speranza pa sigui progresa cu su statuut aproba dia 17 di November 1960.

Cu Sr. Dirksz na cabez e club a sigui progresa y yega te na 118 miembro den aña 1967 cual aña tambe e equipo a titulo campeon B klase y promove pa division A klase. E team a degrada e siguiente aña pa B klase pero cu problema di

directiva y hungador nan. Siguiente aña e equipo no a participa den campeonato di A.V.B. debi cu nan no tin directiva y mas ainda ta 4 hungador a keda, cu ta Nicolas, Rosendo, Ricardo y Runy.

Sr. Jose Dirksz a cuminsa pa busca refuerzo pa forma e team, y el a haña algun persona den e bario cu tabata un grupo di Curasoleño pa por a forma e team hunto cu e 4 hungadornan pa asina participa na 1970 den campeonato A.V.B. y dos aña despues Jose Dirksz a retira. Antonio Dijkhoff na 1973 a tuma over. No mucho luna despues Sr. Simeon Geerman a haya invitacion di e miembronan pa como can-

didato pa directiva y el a ser eligi como miembro y te awe

ainda Simeon ta cu e team y trahando duro.

Simeon a lucha cu e team aki den varios division, pero semper cu speranza cu un dia lo e logra su meta di bay den division Honor.

Cu Simeon na cabez e team a logra haya un club chiquito, pero debi na placa no a termina cu e construcion.

DIARIO ta manda palabranan di felicitaciones na e miembronan, directiva, fanaticonan, hungadornan y sin duda na Simon Geerman pa su bon trabao cu Jong San Nicolas Charlie Bar Boozers, pabien cu 30 aña di existencia y Dios uni e hungadornan mas fuerte pa asina proximo campeonato Jong San Nicolas lo ta campeon.

Programa di celebracion pa Diasabra 29 di October. For di 8,15 pa 9or lo tin un brindis, sigui cu fiesta bailable.

**S.V. JONG
SAN NICOLAS**

35

ta invita tur miembronan, hungadornan y ex-hungadornan pa celebracion di nan

**30 aña di existencia dia 29 okt, na
Club.**

Acepta esaki como un invitacion personal.

**UN CALUROSO
PABIEN**

pa S.V.

JONG SAN NICOLAS

cu nan
30 AÑA di existencia.

Boso sponser:

**Charlie's Bar,
Restaurant,**

